

周禮注疏

附校勘記



附釋音周禮注疏卷第四十二

鄭氏注

賈公彥疏

匠人爲溝洫

主通利田間之水

疏

注主通至水道。釋曰古者人耕皆

畎上種穀畎遂溝洫之間通水故知通利田間水道此文與下爲目下別爲之耳

耜廣五寸二

耜爲耦一耦之伐廣尺深尺謂之畎田首倍之廣二尺

深二尺謂之遂

古者耜一金兩人併發之其壟中曰畎

岐頭兩金象古之耦也田一夫之所佃百畝方百步地遂者夫間小溝遂上亦有徑。畎古犬反隧音遂本又

作遂併步頂反畎古犬反與畎同古

疏

耜廣至之遂今字也劉古善反佃音田又音電。釋曰云耜

爲耒頭金金廣五寸耒面謂之底底亦當廣五寸云二耜爲耦者二人各執一耜若長沮桀溺耦而耕此兩人

耕爲耦共一尺一尺深者謂之畎畎上高土謂之伐伐發也以發土於上故名伐也此二人雖共發一尺之地

未必並發知者孔子使子路問津於長沮長沮不對又問桀溺若並頭共發不應別問桀溺明前後不並可知雖有前後其畎自得一尺不假要並也○注古者至有經○釋曰鄭云古者耜一金者對後伐耜頭二金者云兩人併發之者謂共爲一畎謂二人並頭也云今之耜岐頭者至後漢用牛耕種故有岐頭兩脚耜今之猶然也但以牛種用二耜則畎下布種與古異也云田一夫之所佃百畎方百步地者遂人云夫一廛田百畎彼雖爲溝洫法一夫則與此同也云遂者夫間小溝遂上亦有徑者按遂人云夫間有遂遂上有徑彼溝洫法此井田法雖不同遂在夫間遂上有徑則同故云亦有徑也按彼鄭云以南畎圖之遂縱溝橫洫縱澮橫九澮而川周其外以彼遂在夫間故以南畎遂則縱矣此井田云田首倍之爲遂以南畎圖之遂卽橫也

九夫

爲井井間廣四尺深四尺謂之溝方十里爲成成間廣

八尺深八尺謂之洫方百里爲同同間廣二尋深二仞

謂之澮

此畿內采地之制九夫爲井井者方一里九夫所治之田也采地制井田異於鄉遂及公邑三

夫爲屋屋具也一井之中三屋九夫三三相具以出賦
稅共治溝也方十里爲成中容一甸甸方八里出田
稅緣邊一里治洫方百里爲同同中容四都六十四成
方八十里出田稅緣邊十里治澮采地者在三百里四
百里五百里之中載師職曰圍廛二十而一近郊什一
遠郊二十而三甸稍縣都皆無過十二謂田稅也皆就
夫稅之輕近重遠耳滕文公問爲國於孟子孟子曰夏
后氏五十而貢殷人七十而斆周人百畝而徹其實皆
什一徹者徹也斆者藉也龍子曰治地莫善於斆莫不
善於貢貢者校數歲之中以爲常文公又問井田孟子
曰請野九一而斆國中什一使自賦卿以下必有圭田
圭田五十畝餘夫二十五畝死徙無出鄉鄉田同井出
入相友守望相助疾病相扶持則百姓親睦方里而井
井九百畝其中爲公田八家皆私百畝同養公田公事
畢然後治私事所以別野人也又曰詩云雨我公田遂
及我私惟斆爲有公田由此觀之雖周亦斆也魯哀公
問於有若曰年饑用不足如之何有若對曰盍徹與曰
二吾猶不足如之何其徹也春秋宣十五年秋初稅畝
傳曰非禮也穀出不過藉以豐財也此數者世人謂之
錯而疑焉以載師職及司馬法論之周制畿內用夏之

貢法稅夫無公田以詩春秋論語孟子論之周制邦國
用殷之助法制公田不稅夫貢者自治其所受田貢其
稅穀助者借民之力以治公田又使收斂焉畿內用貢
法者鄉遂及公邑之吏旦夕從民事爲其促之以公使
不得恤其私邦國用助法者諸侯專一國之政爲其貪
暴稅民無藝周之畿內稅有輕重諸侯謂之徹者通其
率以什一爲正孟子云野九夫而稅一國中什一是邦
國亦異外內之法耳圭之言珪絜也周謂之士田鄭司
農說以春秋傳曰有田一成又曰列國一同○何音刃
澮古外反塵直連反助音助按音教數色主反下此數
者同別彼列反雨于付反徹與音餘爲其于僞
反下爲其爲此同執音藝率音律又音類下同
至之澮○釋曰井田之法畎縱遂橫溝縱澮橫澮縱自
然川橫其夫間縱者分夫間之界耳無遂其遂注溝溝
注入澮澮注入澮澮注自然入川此圖略舉一成於一
角以三隅反之一同可見矣遂人云夫間有遂以南畝
圖之則遂縱而溝橫此不云夫間有遂云田首倍之謂
之遂遂則橫而溝縱也自餘澮澮川依此遂溝縱橫參
之可知但彼云九澮而川周其外川則人造之此百里
有澮澮水注入川相去遠故宜爲自然川也自畎遂溝

疏

夫九

洫皆廣深等其澮廣二尋深二刃若以孔安國八尺曰
刃則澮亦廣深等但度廣以尋度深以刃故別言之若
王肅依爾雅四尺曰刃深二刃八尺與廣二尋不類鄭
以刃七尺淺於廣二尋二尺者以涂爲大故宜淺按二
尺與溝洫不得相類也。○注此畿至一同。○釋曰云此
畿內采地之制者對畿外諸侯亦制井田與此同云九
夫爲井井者方一里九夫所治之田也者小司徒注似
井字也云采地制井田異於鄉遂及公邑者按遂人云
夫閒有遂十夫有溝百夫有洫千夫有澮萬夫有川方
三十三里少半里九而方一同以南畝圖之遂縱溝橫
洫縱澮橫九澮而川周其外若以九而方一同則百里
之內九九八十一澮此井田則一同惟一澮旣溝澮稀
稠不同又彼溝洫法以爲貢子就夫稅之十一而貢此
則九夫爲井井稅一夫美惡取於此不稅民之所自治
是溝洫井田異也小司徒注不云異於公邑者據遂人
成文此兼云公邑者據事實而說云三夫爲屋屋具也
一井之中三屋九夫三三相具以出賦稅共治溝也者
一井有九夫據南畝言之則三夫並一屋而三夫相具
以出賦稅并相具共治溝以言三屋共一井井閒有溝
故共治溝也云方十里爲成成中容一甸甸方八里出

田稅緣邊一里治洫者司馬法有二法有甸方八里出長轂一乘又有成方十里出長轂一乘言甸者據實出稅者而言云成者據通治溝洫而說爲有二種故鄭細分計之八里爲甸出田稅緣邊一里并之則二里治洫以成閒有洫故使共治洫也云方百里爲同同中容四方四十里四都方八十里旁加十里乃得方百里爲一同今言六十四成者據出田稅者言之故云方八十里出田稅緣邊十里治澮也云采地者在三百里四百里五百里之中者據載師職而言按彼云家邑任稍地小都任縣地大都任疆地是三百里外至畿五百里內言此者欲見三者采地之中有此井田助法又引載師職圍廛之下者欲見鄉遂及公邑之等爲溝洫貢子法與采地井田異云輕近重遠耳者彼注云近者多役故輕稅也滕文公問孟子爲國已下至以爲常皆孟子對文公之辭自文公又問井田已下至雖周亦助按彼是文公使畢戰問今以爲文公問者畢戰文公臣君統臣功亦得爲文公問也云夏后氏五十而貢殷人七十而助周人百畝而徹其實皆什一徹者徹也助者藉也者並孟子對文公之辭按彼趙岐注夏禹之世號后氏后君

也禹受禪於君故夏稱后殷周順人心而征伐故言人也民耕五十畝貢上五畝耕七十畝以七畝助公家耕百畝者徹取十畝以爲賦雖異名而多少同故曰皆什一也徹猶人徹取物藉者借也猶人相借助之者或有解者云三代受地多少應同今云夏后氏五十而貢殷人七十周人百畝者據地有不易一易再易并六遂上地不易加五十畝有四等據授地之法夏言五十而貢者據一易之地家得二百畝常佃百畝荒百畝其佃百畝常稅之據二百畝爲稅百畝爲五十而貢殷人七十而助者據六遂上地百畝有萊五十畝而言百五十畝稅一百畝猶五畝稅七十五畝舉全數言之故云七十畝而助也周人百畝而徹者據上地不易者而言百畝全稅之故云百畝而徹也夏據一易之地亦有上地不易上地加五十畝者殷據上地如萊則亦有一易及上地無萊者也周言百畝而徹則亦有上地有萊及一易者也三代皆不言再易三百畝者明皆有可知以其云貢貢子無助法殷人云助稅并無貢法周人云徹貢助兼有也云龍子曰治地莫善于助莫不善于貢貢者校數歲之中以爲常者按彼趙岐注龍子古賢人也言治地之賦無善於助者也貢者校數歲以爲常類而上之

民供奉之有易有不易故謂貢爲莫不善之也孟子本爲莫不善於貢今注有無不字者蓋轉寫脫耳文公又問按彼文公使畢戰問孟子孟子對此辭上文公摠問爲國之法故對助貢兼有此問井田之法孟子云請野九一而助國中什一使自賦者彼注云九一者井田以九頃爲數而供什一郊野之賦也助者殷家稅名周亦用之龍子所謂善於助者也時諸侯不行助法國中什一者周禮園廩二十而稅一時行重賦責之什一也而如也自從也孟子欲請使野人如助法什一而稅之國中從其本賦二十而稅一以寬之又云卿以下必有圭田圭田五十畝餘夫二十五畝注云古者卿以下至於士皆受圭田五十畝所以供祭祀圭絜也士田故謂之圭田所謂惟士無田則亦不祭言綏士無絜田也井田之民養公田者受百畝圭田半之故五十畝餘夫者一家一夫受田其餘老小有餘力者受二十五畝半於圭田謂之餘夫也受田者田業多少有上中下周禮曰餘夫亦如之亦如上中下之制也王制曰夫圭田無征謂餘夫圭田皆不出征賦時無圭田餘夫孟子欲令復古所以重祭祀利民之道也云死徙無出鄉注云死謂葬也徙謂變土易居平肥磽也不出其鄉易爲助云鄉田

同井出入相友守望相助疾病相扶持則百姓親睦注
云同鄉之田共井之家各相勞也出入相友相友偶也
周禮大宰八曰友以任得民守望相助助察姦也疾病
相扶持扶持其羸弱也救其困急皆所以教民相親睦
之道睦和也但鄉遂爲溝洫法而云鄉田同井者此謂
殷之助法雖鄉亦爲井田故云鄉田同井以其孟子雜
說三代故也云方里而井九百畝其中爲公田八家皆
私百畝同養公田公事畢然後治私事所以別野人也
注云方一里者九百畝之地也爲一井八家各私得百
畝同共養其公田之苗公田八十畝其餘二十畝以爲
廬宅園囿家二畝半也先公後私遂及我私之義也則
是野人之事所以別於士伍者也鄭所引孟子證井田
之法則卿已下必有圭田及餘夫其文旣閒在井田之
中則二者亦爲井田之法故引之也云又曰詩曰至亦
助也按彼是上文孟子對滕文公爲國之法今退在此
者詩是周井田之法故引之在下也云雖周亦助者是
周兼夏殷助貢也云魯哀公論語文按彼注二謂十二
而稅但哀公已行十二而稅有若亦知哀公十二故抑
之使從十一之正而云盍徹盍何不也徹通也謂十一
之通稅哀公憂國有若憂民故也春秋譏宣公欲厚斂

棄中央一夫之公田就八家之私田以取之故譏厚斂也云穀出不過藉者藉卽借也借民力所治公田是也云此數者世人謂之錯者論語孟子春秋與詩文義不同故世人謂之錯而疑焉云以載師職及司馬法論之周制畿內用夏之貢法稅夫無公田者以世人疑之爲錯故鄭以諸文辨之按載師職云從國中園廛二十而一及甸稍縣都無過十二皆據鄉遂及四等公邑皆用夏之貢法云司馬法者辨左氏杜服所引司馬法云甸方八里出長轂一乘鄭注論語引司馬法云成方十里出長轂一乘鄭注小司徒引司馬法成方十里士十人徒二十人並據郊遂之外及采地法未見鄭所引證周之畿內之事而云以司馬法論必論周之畿內用夏之貢法者但彼司馬法必論周之畿內用夏之貢法非鄭虛言但餘齊所不見耳云以詩春秋論語孟子論之周制邦國用殷之助法制公田不稅夫者詩云雨我公田公田是助法春秋初稅畝亦是助法論語云盍徹乎徹是天下之通法亦助法也孟子荅畢戰井田引詩爲證亦周之助法故摠云助法不稅夫也云貢者自治其所受田貢其稅穀助者借民之力以治公田者鄭重釋夏貢殷助之事皆取孟子爲義也云畿內用貢法者至恤

其私者鄉遂公邑之內皆鄰里比閭等治民之官旦夕
從民事因此促之使先治公田故不得恤其私故爲貢
法不得有公田也云邦國用助法諸侯專一國之政爲
其貪暴稅民無藝者藝謂準法宣公初稅畝就井田上
取民之所自治況爲貢法有何準法故爲井田不爲貢
也周之畿內稅有輕重者鄭云近者多役故輕其稅云
諸侯謂之徹者通其事以什一爲正者謂郊外用助郊
內用貢故引孟子云野九夫而稅一國中什一此云野
九夫而稅一卽彼云請野九一而助此云國中什一卽
彼云國中什一使自賦云九一而助者一井九夫之地
四面八家各自治一夫中央一夫八家各治十畝入家
治八十畝入公餘二十畝入家各得二畝半以爲廬宅
井竈葱韭是十外稅一也國內據民住在城中其地卽
在郊內郊外鄉遂之民爲溝洫爲貢法言十一亦十外
稅一者也漢書食貨志既有井田饒民二畝半之事是
以宋均注樂緯何休注公羊趙岐孟子皆饒民詩云俶
彼甫田歲取十千鄭云井稅一夫其田百畝通稅十夫
其田千畝成稅百夫其田萬畝不言饒民者以經云歲
取十千校一成之內舉全數而言鄭亦順經從整數而
說其實與諸家不殊也云邦國亦異外內者上云畿內

畿外據天子揔天下大判而言此旣引孟子野與國中
不同是細而分之邦國亦倣天子異外內也云圭之言
珪絜也者謂有珪絜之德也云周謂之士田者卽載師
士田是也先鄭引春秋者田一成事在哀元年彼夏后
相爲澆所滅其子少康奔虞思爲庖正有田一成有衆
一旅據一成之地有九百夫官室塗巷三分去一餘六
百夫上地家百畝中地家二百畝下地家三百畝通率
三家受六夫之地則一成六百夫定受地有三百家而
云有衆一旅五百家者據上地多家亦多也又曰列國
一同者事在襄二十五年彼鄭子產適晉獻捷晉人責
之何故侵小子產對曰昔天子之地一圻列國一同自
是以衰今大國多數圻矣若無侵小何以至焉是也引
之者證經成與同之事也貢稅之法古來皆什一故孟
子說三代而云其實皆什一是以公羊傳云古者什一
而藉多乎什一大桀小桀注云奢泰多取於民比於桀
也寡乎什一大貉小貉注云蠻貉無社稷宗廟百官制
度之費稅薄什一者天下之中正也什一而行頌聲作
矣注云聖人制井田之法而口分之一夫一婦受田百
畝以養父母妻子五口爲一家公田十畝卽所謂什一
而稅也廬舍二畝半凡爲田頃十畝半八家而九頃共

爲一井故曰井田孟子又云白圭曰吾欲二十而取一
何如孟子曰子之道貉道也欲輕之於堯舜之道者大
貉小貉也欲重之於堯舜之道者大桀小桀也率指言
先王按典籍籍萬世可通什一供貢下富上尊若然自古
以來貢與助皆不得過什一者也
專達於川各載其名
達猶至也謂澮直至於川復無

疏
注達猶至從出○釋曰上澮水所入更無注入故云專至於川云識

下之地勢兩山之間必有川焉大川之上必有涂焉
通

凡
壅塞○壅於勇反○疏注通其壅塞○釋曰此言同間有澮澮

溝逆地防謂之不行水屬不理孫謂之不行
溝謂造溝防謂脉理

此逆防與不理孫也○防音勒屬讀爲注之樹反理孫
屬讀爲注孫順也不行謂決溢也再鑿龍門播九河爲

音遜

疏注溝謂至孫也。釋曰經言凡溝注云謂造

溝三十里而廣倍當是人所造溝瀆引水者故此鄭引

鑿龍門播九河為證既不得逆地防不理遜水不行當

依地防理順行水乃可為之川也禹鑿龍門播九河事見尚書禹貢**梢溝三十里而廣倍**

謂不墾地之溝也鄭司農云梢讀為桑螻蛄之梢梢謂

水漱齧之溝故三十里而廣倍○梢劉音蕭注梢一音

色交反螻蛄**疏**注謂不至廣倍釋曰此溝雖是不墾地

婢遙反之溝與上異亦是非田閒者也必使三十

十里得廣倍者亦謂地勢而為之使水梢溝故得三十

里而廣倍也先鄭云梢讀為桑螻蛄之梢梢謂水漱齧

之溝上云梢其數亦讀從螻蛄之凡行奠水磬折以參

蛸同是梢齧之義故同讀從之也

伍坎為弓輪水行欲紆曲也鄭司農云奠讀為停謂行

停水溝形當如磬直行三折行五以引水者疾焉○

奠音亭折之疏注坎為至疾焉○釋曰言凡行停水

設反後放此疏者水去遲似停住止由川直故也是

以曲為因其曲勢則水去疾是以為磬折以參伍也云

坎為弓輪者說卦文謂坎所以行水如弓輪輪則水疾

故云行水欲紆曲也**欲為淵則句於矩**大曲則流轉流**疏**注大

成淵○釋曰凡川溝欲得使教淵之深當句曲於矩使水勢到向上句曲尺則為迴淩自然深為淵驗今皆然

也**凡溝必因水執防必因地執善溝者水漱之善防者**

水淫之漱猶蓄也鄭司農云淫讀為厥謂水淤泥土留著助之為厚立謂淫讀為淫液之淫○漱色救

反前注同厥許金反淤於**疏**注漱謂至之淫○釋曰

據反著直略反液音亦之內云厥者先鄭皆為淫淫為陳故此讀淫為厥先鄭

餘處淫厥既為陳於此不得為淤泥解之故後鄭不從也是以後鄭以淫液之淫為

義謂以淤泥淫液使厚也**凡為防廣與崇方其綱參**

分去一崇高也方猶等也綱者薄其上○綱色**疏**注

高至其上○釋曰凡為堤防言廣與高等者假令堤高丈二尺下基亦廣丈二尺云其綱參分去一者三四十八尺者也**大防外綱**又薄其上**疏**注又薄至其下釋

去一而云外綱故云又薄其上厚其下雖不知尺數但知三分去一之外更去也

凡溝防必一

曰先深之以爲式

程人功也溝防爲溝爲防也

疏

注程人至防也○釋曰程人功

者將欲造溝防先以人數一日之中所作尺數是程人功法式後則以此功程賦其丈尺步數言深者謂深淺

尺數故下云已爲式然後可以傳眾力傳謂付之

里爲式然後可以傳眾力

里

爲已聲之誤也○**疏**

疏

注里讀至誤也○釋曰必破里爲已者里則於義無取爲已則

於義合故從已也

凡任索約大汲其版謂之無任

故書汲作沒杜子春云當

爲汲立謂約縮也汲引也築防若牆者以繩縮其版大引之言版撓也版撓築之則鼓土不堅矣詩云其繩則

直縮版以載又曰約之格格格柵之橐橐○格音各柵丁角反橐音託

疏

注故書至橐橐○釋曰引詩云

其繩則直縮版以載者此大雅縣之篇文也又曰約之格格格柵之橐橐者謂斯干美宣王之詩言築室百堵之

時有此約柵之事彼注云格格猶歷歷也橐橐用力也引之者證索約約亦繩縮之事也

葺屋參分